



JU "SPORTSKO - REKREACIONI CENTAR" TEŠANJ

Adresa: ul. Patriotske lige 57

74260 Tešanj

E-mail: jusrctes@bih.net.ba

Tel/fax: 032 651-500

Žiro računi:

BBI

UNICREDIT BANKA

www.dvorana-tesanj.com

IDbr.: 4218543010006

1412010001458751

3385502203485650

PDV: 218543010006

Broj: 02 – 58/25

Datum: 26. 02. 2025. godine

IZVOD IZ ZAPISNIKA

Sa **sedamnaeste (17.)** sjednice Upravnog odbora JU „Sportsko-rekreacioni centar“ Tešanj, održane 26.02.2025. godine (srijeda) u prostorijama Uprave, sa početkom u 16:15 sati.

Sjednici prisutni:

1. Adnan Lihčić – predsjednik
2. Almir Hodžić – član
3. Alema Jabandžić Deljković – član
4. Nusret Ogrić – direktor

DNEVNI RED:

1. Usvajanje Zapisnika sa 16. sjednice Upravnog odbora.
2. Izvještaj o radu direktora sa Finansijskim izvještajem/izvršenjem budžeta za 2024. godinu.
3. Prijedlog Izvještaja Upravnog odbora o poslovanju JU SRC Tešanj za 2024. godinu (Obrasci Općine).
4. Usklađivanje plata uposlenika JU SRC Tešanj sa Odlukom Vlade FBiH o minimalnoj plati.
5. Izvještaj komisije za provođenje javnog oglasa za najam poslovnog prostora u Sportskoj dvorani Jelah.
6. Razno.

Nakon što je Predsjednik konstatovao da su ispunjeni svi uslovi za održavanje sjednice, otvorena je 17. sjednica Upravnog odbora.

AD. 1.

Članovi Upravnog odbora su jednoglasno usvojili izvod iz zapisnika sa 16. sjednice, koji im je ranije dostavljen.

AD. 2.

Direktor je kroz prezentaciju prisutnima predstavio Izvještaj o radu direktora sa Finansijskim izvještajem/izvršenjem budžeta za 2024. godinu. Prezentacija je sadržavala nekoliko segmenata: Opći dio, struktura uposlenih, izvještaj o radu, realizacija ciljeva i finansijski izvještaj. U izvještaju o radu prikazani su podaci o realizaciji časova prema srednjim školama, a broj časova u 2024. godini iznosio je 5861 Trend broja časova nastave TiZO u posljednje 3 godine je ravnomjeran i isti je vezan sa uravnoteženim brojem odjeljenja u sve tri srednje škole. Pred kraj 2024. godine je nakon nepogoda koje su pogodile Općinu Tešanj nastava održavana online, pa je zbog toga broj održanih časova nešto manji u odnosu na 2023. godinu.

U 2024. godini iz granta Općine Tešanj finansirani su treninzi i utakmice za 11 sportskih klubova i udruženja, a ukupan grant iznosio je 90.000 KM. Realizovano je 50 sportskih i 10 kulturnih i drugih događaja i manifestacija, uz cca 8050 sati aktivnog korištenja dvorane Tešanj i dvorane Musala. Finansijski pokazatelji koje je izradilo nadležno računovodstvo, pokazuju da je Ustanova poslovala pozitivno u 2024. godini. Nakon prezentacije i diskusije članovi Upravnog odbora su jednoglasno donijeli Odluku o usvajanju izvještaja o radu direktora sa Finansijskim izvještajem/izvršenjem budžeta za 2024. godinu.

AD. 3.

Upravni odbor je razmatrao prijedlog Izvještaja Upravnog odbora o poslovanju JU SRC Tešanj za 2024. godinu. Predsjednik Upravnog odbora upoznao je prisutne sa predloženim Izvještajem, koji je ranije dostavljen sa materijalima sjednice. Ovaj izvještaj urađen je shodno obrascima Općine i između ostalog sadrži pokazatelje koji se nalaze u Izvještaju o radu direktora, koji su razmatrani u prethodnoj tački.

Upravni odbor je u 2024. godini održao je 12 redovnih sjednica. Sjednice su održavane sa tačno utvrđenim dnevnim redom i sa jasno utvrđenim i donesenim Zaključcima i Odlukama. Razmatrana su sva bitna pitanja u cilju funkcionisanja Ustanove na najbolji način. Zapisnici sa sjednica UO i usvojene odluke su redovno dostavljani Načelniku i općinskoj administraciji. Zapisnici sa sjednica UO objavljuju se na web stranici Ustanove, s ciljem transparentnog rada i kako bi zainteresovani mogli biti informisani o radu Ustanove. Nakon razmatranja Upravni odbor je usvojio Prijedlog Izvještaja Upravnog odbora o poslovanju JU SRC Tešanj za 2024. godinu uz sljedeći zaključak: Zadužuje se direktor JU SRC Tešanj da provede anketu zadovoljstva korisnika usluga za 2024. godinu, te dopuni prijedlog Izvještaja. Ovako dopunjen Izvještaj Upravni odbor će razmatrati na narednoj sjednici.

AD. 4.

Pod ovom tačkom dnevnog reda Upravni odbor je razmatrao efekte Odluke Vlade FBiH o visini minimalne plate u 2024. godini na JU SRC Tešanj. Trenutno u JU SRC Tešanj platu manju od 1.000 KM imaju 3 uposlenika sa NK stručnom spremom. Upravni odbor jednoglasno je usvojio Odluku o obračunu minimalne plate u JU SRC Tešanj, kojom se usklađuje obračun sa Odlukom Vlade FBiH. Obzirom da je ovim usklađivanjem došlo do skoro pa izjednačavanja plata uposlenika sa NK stručnom spremom i uposlenika sa srednjom stručnom spremom, ukazala se potreba za linearnim usklađivanjem plata i ostalih uposlenika. U tu svrhu iskorištena je Uredba Vlade FBiH o isplati pomoći radnicima od strane poslodavaca broj: 52/2025 od 04.02.2025. godine. Upravni odbor jednoglasno je usvojio Odluku o isplati pomoći radnicima od strane poslodavca za mjesec februar.

AD. 5.

U okviru ove tačke Upravni odbor je razmatrao izvještaj komisije za provođenje Javnog oglasa za najam poslovnog prostora u Sportskoj dvorani Jelah. Komisija je konstatovala da ni na ponovljenom javnom oglasu nije bilo prijavljenih. Upravni odbor je ovaj izvještaj primio k znanju, te je usvojio sljedeći zaključak: Zadužuje se komisija da ponovi Javni oglas u skladu sa zakonskim propisima kada je u pitanju treća ponovljena licitacija.

AD. 6.

Direktor je članove Upravnog odbora upoznao sa ponudom za najam reklame u Sportskoj dvorani Jelah. Upravni odbor je dao saglasnost direktoru da potpiše ugovor o iznajmljivanju reklame u skladu sa prezentovanom ponudom.


Predsjednik je zaključio sjednicu u 18:00 sati.

Dostavljeno:

1. Članovima Upravnog odbora 1-3;
2. Direktor;
3. Općini;
3. Arhiva;



Predsjednik Upravnog odbora:


Adnan Lihic, dipl. ing. maš.